

## Saksprotokoll i fylkestinget - 09.12.2014

### OPNING AV FYLKESTINGET

Til å skriva under møteboka saman med fylkesordføraren vart Tom Sverre Tomren og Birthe Eriksen valde.

Fylkesordføraren gjorde framlegg om at møteboka vert godkjend av fylkesordføraren og dei som vart oppnemnde til å skriva under møteboka. Fylkestinget slutta seg til dette.

Fylkesordføraren heldt minneord om Ottar Fuhr Eriksen. Han mintes også ordførar i Øygarden, Otto Harketstad.

Fylkesordføraren heldt opningstalen sin til fylkestinget.

Fylkesrådmannen heldt sin tale.

### ORDSKIFTET ETTER TALANE

Etter talane var det ordskifte. 5 representantar hadde ordet.

I samband med talane til fylkestinget sette **Aud Karin Oen** på vegner av SV fram slikt oversendingsforslag til fylkesordføraren:

"SV ser med stor uro på at prosjektet LivOgLyst ser ut til å verta lagt ned. SV vil at LivOgLyst-prosjektet skal fortsetja i 2015."

Oen sitt forslag vart oversendt på vegner av forslagsstillaren utan realitetsbehandling.

### SAKSBEHANDLING

Sakene vart behandla i slik rekkjefølgje: 75-79/14.

## Saksprotokoll i fylkestinget - 09.12.2014

### SAKSBEHANDLING

Sakene vart behandla i slik rekkjefølgje: 90, 80-92/14.

### IDRETTSPRISAR 2014

Hordaland fylkeskommune sine **utviklingsstipend i idrett** for 2014 vart tildelt:

Magnus Ivarsen (f. 1997)	Padling	Fana Kajakklubb
Karoline Heimvik Haugland (f. 1998)	Fotball	Arna-Bjørnar
Steffen Lande Salomonsen (f. 1996)	Bordtennis	Stord BTK
Beatrice Nedberge Llano (f. 1997)	Friidrett kast/ vektløfting	Laksevåg Turn og IL
Gustav Iden (f. 1996)	Trilaton	Åsane CK

Kvart stipend er på kr 25 000. Utdelinga vart gjort av leiar i kultur- og ressursutvalet, Anne Beth Njærheim.

Fylkeskommunen sine utviklingsstipend innan idrett kan tildelast einskildutøvarar, trenarar og dommarar. Ein person kan berre få slikt stipend ein gong. Målet med stipenda er å gje mottakarane stimulans og høve

til vidareutvikling i si idrettsgrein. Ved tildelinga av stipend vert det lagt vekt på: idrettsprestasjonar, potensial og planar for vidare satsing innan idretten.

Hordaland fylkeskommune si utmerking for **særlege idrettsprestasjonar** 2014 vart tildelt:

Kristoffer Brun (f. 1988)	Bronsemedalje i roing	VM, Amsterdam 2014
Mariann Vestbøstad Marthinsen (f. 1984)	Gullmedalje. Sprint, sittende langrenn	Paralympics, Sotsji 2014
Stian Schjetlein (22)	Gullmedalje vannjet - pro ski slalom Bronsemedalje vannjet - pro ski open	VM, Lake Havasu, Arizona USA 2014
Fredrik Andersen (17)	Gullmedalje vannjet - pro am ski limited Sølvmedalje vannjet - pro am ski lite	VM, Lake Havasu, Arizona USA 2014
Sondre Liseth (17)	Sølvmedalje vannjet - pro am ski stock Bronsemedalje vannjet - pro am ski lite	VM, Lake Havasu, Arizona USA 2014
Daniel Svae Andersen (17)	Gullmedalje vannjet - pro am ski stock Bronsemedalje vannjet - pro am ski limited	VM, Lake Havasu, Arizona USA 2014
Janette Hansen (20)	Bronsemedalje lag - kumite JKA	VM, Tokyo, Japan 2014
Lena Skåtun (20)	Bronsemedalje lag - kumite JKA	VM, Tokyo, Japan 2014

Hordaland fylkeskommune si markering av særlege idrettsprestasjonar er ei utmerking som heng svært høgt. Det er idrettsprestasjonen som kvalifiserer utøvarane til en slik utmerking. Kravet er medaljeplassering i verdsmeisterskap eller olympiske leikar. Verdsrekordar og siger i verdscupen samanlagt kvalifiserer også til fylkeskommunen si utmerking. Utøvarane må representere ein klubb frå Hordaland.

Fylkesordførar Tom-Christer Nilsen overrekte utmerkinga.

## OPPFINNARPRISEN 2014

Oppfinnarprisen skal bidra til å synleggjere og heidle kreativitet, innovasjon og verdiskaping i Hordaland. Dei som får oppfinnarprisen skal ha fast adresse i Hordaland. I tillegg må dei ha evne og vilje til å realisere og kommersialisere oppfinninga si.

Hordaland fylkeskommune sin oppfinnarpris for 2014 vart tildelt **Ivar Ole Wik i Wik Gruppen AS** si oppfinning LIFROLLER, som er eit rullande "stupebrett" som kan monterast i vindaugsopningar utan å skade vindaugstaket. Varer vert heisa opp på brettet frå ei kran og rulla forsiktig inn i bygget. Dette gjer lossing av varer sikrare, raskare og med mindre risiko for skade på folk og bygningar.

Prisen vart utdelt av fylkesordførar Tom-Christer Nilsen. Oppfinnarprisen 2014 er på 100.000 kroner.

To oppfinnarteam fekk **heidarleg omtale**:

- Den første heiderleg omtalen gjekk til **LABRUSPHARMA AS**, for deira oppfinning Psoria Lyspad, som skal hindre spreiding av psoriasisutslett og lindre kløe og smerter frå sår. Bak oppfinninga står oppfinnarteamet Erik Michalsen, Øystein Flatebø, Finn-Ove Carlsen, Dr. Ole Brix og Peter James Thomas.

- Den andre heiderlege omtalen går til **SITEK AS**, for oppfinninga RVA #GE dreiespjeldventil for rillekuplingar, som løyser utfordringar innafor skips- og industriapplikasjonar. Oppfinninga vil forenkle og redusere montasjearbeid, og redusere arbeidstid og kostnadar. Bak oppfinninga står oppfinnarteamet Frank Borge, Tor Inge Nordmo, Geir Hurlen og Ronny Abrahamsen.